

**□ Bugun O'zbekiston davlat san'at va madaniyat institutida talaba-yoshlarning ma'naviy-mafkuraviy immunitetini mustahkamlash borasidagi ustuvor vazifalarga bag'ishlangan davra suhbatini bo'lib o'tdi.**

Yoshlar masalalari va ma'naviy-ma'rifiy ishlar bo'yicha birinchi prorektor Shohbek Ergashev, Ijtimoiy-ma'naviy muhit barqarorligini ta'minlash bo'yicha rektor maslahatchisi Alisher Ishchanov, Institut profilaktika inspektori Fayzulla Akbarov va talabalar ishtirok etgan mazkur yig'ilishda, asosiy e'tibor yoshlar o'rtasida jinoyatchilik, huquqbuzarliklarni oldini olishga qaratildi.

□□ Shuningdek, ichki tartib va odob-axloq qoidalari, talabaning huquq va majburiyatlari, institut hududida tengdoshlari, ustozlari va institut xodimlari bilan bo'ladigan muomala madaniyati va boshqa masalalar yuzasidan tushuncha berildi.

Bundan tashqari, institutda talabalarni sifatli ta'lim olishlari uchun yaratilgan imkoniyatlar, tashkil etilayotgan sport musobaqalari, boshqa ko'rik tanlovlar, shuningdek, turli festivallarni ularda ishtirok etish shartlariga ham alohida to'xtalib o'tildi.

Talabalarni qiziqtirgan barcha savollarga ham batafsil javob

berildi.

---

# **0‘zbekiston davlat san‘at va madaniyat institutida “Markaziy Osiyo filmlarida an‘analardan va yangilikka intilish tendensiyalari” mavzusidagi Xalqaro ilmiy-amaliy konferensiya bo‘lib o‘tdi.**

Anjumanni ochib berar ekan, Kinematografiya agentligi direktori, professor Shuhratilla Rizayev bugun bildiralajak fikrlar, ilmiy ma‘ruzalar avvalo, xalqlar o‘rtasidagi madaniy aloqalarni yanada rivojlanishi uchun xizmat qilishi, shuningdek, jahon va o‘zbek kinosining bugungi kuni, kuzatilayotgan yangiliklar va ertangi taraqqiyoti haqida muhim ma‘lumotlarga boy bo‘lishiga umid bildirib, konferensiya ishiga muvaffaqiyat tiladi.

Shundan so‘ng so‘zga chiqqan O‘zbekiston davlat san‘at va madaniyat instituti Ilmiy ishlar va innovatsiyalar bo‘yicha prorektor Baxtiyor Yakubov ushbu konferensiyada Fransiya, Turkiya, Rossiya Federatsiyasi, Ozorbayjon, Qozog‘iston, Qirg‘iz Respublikasi hamda yurtimizning 70 ga yaqin san‘atshunos olimlari va ilmiy tadqiqotchilar ishtirok etishining o‘ziyoq ilmiy anjumanning xalqaro ahamiyati yuqori

ekanligini, bugun bildirilajak fikr-mulohazalar, takliflar, albatta, kelgusida Markaziy Osiyo davlatlarida kino sohasining rivojiga hissa qo'shishiga umid bildirdi hamda konferensiyadagi ma'ruzalar to'plam sifatida nashr etilganini ma'lum qildi.

Konferensiyaning yalpi majlisida "Kinoavangarddan kinoklassika (mumtoz kino) sari bosib o'tilgan yo'l", "Новая ступень формирования и развития киноиндустрии в азербайджане", "Kinoshunoslik fan sifatida", "Современный кинематограф Казахстана (2021-2024): тенденции и достижения", "Teleseriallarning g'oyaviy ifodasidagi izlanishlar", "Поэтика кыргызского мироустройства в фильмах Клары Юсупжановой" kabi ko'plab e'tiborli ma'ruzalar yig'ilganlar e'tiboriga havola etildi.

Shundan so'ng konferensiya "Zamonaviy badiiy kino san'atining yetakchi tamoyillari", "Hujjatli kino va televideniye audiovizual san'at turi sifatida", "Kino-televideniye san'ati badiiy ta'limining shakllanishi va vorisiylik masalalari" kabi sho'balarga bo'lingan holda davom ettirildi.

Konferensiya so'ngida barcha ishtirokchilar sertifikat bilan taqdirlandi.

---

## **Xalqaro hamkorlik kengaymoqda**

Barcha sohalar rivoji uchun xalqaro hamkorlik aloqalarini chuqurlashtirish va kengaytirish muhim ahamiyatga ega. Chunki, san'at milliy va umumbashariy qadriyatlarga tayanadi.

Joriy yilning 14-sentyabr O'zbekiston davlat san'at va madaniyat instituti rektori rahbarligida yangi o'quv yilini samarali tashkil etish, institut rivoji uchun istiqboldagi

rejalarni belgilab olish masalalariga bag'ishlangan kengaytirilgan yig'ilishda ham ko'plab masalalar qatorida xalqaro hamkorlik aloqalarini rivojlantirish yuzasidan ham bir qancha vazifalar belgilangan edi.

Bugun institutga ikkita xalqaro mehmon tashrif buyurdi.

Dastlab Sungkyul universiteti (Janubiy Koreya) professori Jin Hwan Ra tashrif buyurdi hamda ilmiy ishlar va innovatsiyalar bo'yicha prorektor Baxtiyor Yakubov bilan uchrashuv o'tkazdi.

Tashrif mobaynida ko'plab masalalar qatorida 2025-yil iyul oyida tashkil qilinishi rejalalashtirilayotgan teatr festivali, unga tayyorgarlik masalalari muhokama qilindi.

Shuningdek, bugun institutga yana bir nufuzli mehmon Turk dunyosi jurnalistlar federatsiyasi bosh direktori Menderes Demir tashrif buyurdi.

Ushbu uchrashuvda bir qancha hamkorlik aloqalari o'rnatish masalalari muhokama qilindi.

Jumladan, Menderes Demir joriy yilning 5-9-noyabr kunlari IX Turk dunyosi Hujjatli kino festivalini O'zbekistonda o'tkazilishi munosabati bilan tadbirni 1 kunini O'zbekiston davlat san'at va madaniyat institutida tashkil qilish niyatini bildirdi.

---

**\_Teatr\_Ural "Твое время" VIII  
xalqaro talabalar teatr**

# **laboratoriyasida talabalarimiz ishtirok etmoqda**

Avval xabar qilganimizdek, joriy yilning 8-14-sentyabr kunlarida Rossiya Federatsiyasining Verxnyaya Pishma shahrida Yekaterinburg davlat teatr san'ati instituti tashabbusi bilan \_Teatr\_Ural "Твое время" VIII xalqaro talabalar teatr laboratoriyasi bo'lib o'tmoqda.

Mazkur laboratoriyada O'zbekiston davlat san'at va madaniyat instituti nomidan "Teatr san'ati" fakulteti "Estrada va ommaviy tomoshalar san'ati" kafedrasini professori Jahongir Mamatqosimov hamda mazkur fakultetning Estrada va ommaviy tomoshalar rejissyorligi ta'lim yo'nalishi 4-kurs talabalari Shavkat Bazarbayev va Ruslan Rustamov ishtirok etmoqda.

Institut jamoasi Yekaterinburg davlat teatr san'ati instituti "Dramaturgiya" yo'nalishi talabasi Shusharin Artyom tomonidan yozilgan «Do'stona tashrif» pyesasi asosida spektakl eskizi tayyoshlashdi.

Bugun 14-sentyabr laboratoriya o'z ishini yakunladi. Ijodiy jamoa a'zolari tashkiliy qo'mita tomonidan laureatlik diplomi bilan taqdirlandi.

---

## **Bugun O'zbekiston davlat san'at va madaniyat instituti**

**rektori rahbarligida yangi o'quv yilini samarali tashkil etish, institut rivoji uchun istiqboldagi rejalarni belgilab olish masalalariga bag'ishlangan kengaytirilgan yig'ilish bo'lib o'tdi.**

ig'ilishda barcha prorektorlar, bo'lim boshliqlari, fakultet dekanlari va professor-o'qituvchilar ishtirok etdi.

Tanqidiy va tahliliy ruhda o'tgan yig'ilish avvalida institut rektori, professor Nodirbek Sayfullayev so'zga chiqib, dastlab so'ngi uch oydan oshiqroq vaqt davomida institutda erishilgan yutuqlarga to'xtaldi.

“Talaba-yoshlar ijodiyoti» ko'rik-festivalini qayta tiklangani, kasbiy (ijodiy) imtihonlarning adolatli shaffof tarzda tashkil etilgani, “Turizm va mehmondo'stlik”, “Inson resurslarini boshqarish” va “San'at jurnalistikasi” kabi 3 ta yangi bakalavriat ta'lim yo'nalishlari ochilgani va boshqa ko'plab omillar keltirib, o'tildi.

O'tgan yillar davomida kafedralar faoliyatini tashkil etishda nizom talablariga yetarlicha e'tibor berilmagani, o'quv-me'yoriy hujjatlarni ishlab chiqishdagi xatoliklar, fakultet dekanlari tomonidan talabalar harakatini nazorat qilish ishlari ham o'z vaqtida bajarilmagani, o'quv rejalaridagi ayrim fanlar hattoki, kattaroq bo'lgan bir mavzu negizida olingani, yakka mashg'ulotlar bo'yicha auditoriyalar fondini inobatga olmasdan professor-o'qituvchilarga o'quv-yuklama soatlari loyihasini shakllantirilishi, xalqaro hamkorlik shartnomalari imzolangan xorijiy oliy ta'lim muassasalarining aksariyati

bilan ish olib borilmagani, oxirgi 3 yilda fundamental va amaliy grantlar qo'lga kiritilmagani, fakultet va kafedralarda 2023/2024 o'quv yili davomida yoshlar masalalari va ma'naviy-ma'rifiy ishlar yo'nalishida tadbirlar talab darajasida o'tkazilmagani, institut hududidagi basseynni ta'mirlash may oyida to'xtab qolgani va o'quv binosidagi issiqlik tizimini yangilash ishlari yakuniga yetkazilmagani kabi o'quv-uslubiy, ma'naviy-ma'rifiy, ilmiy va xo'jalik sohalarida bir qancha kamchiliklar sanab o'tildi va ularni bartaraf etish har bir xodimning oldidagi birinchi vazifa ekanligini ta'kidladi.

"Bizning ham maqsadimiz kimnidir kamchiligini yuziga aytib, uni aybdor qilish emas, balki muammolardan chiqish uchun birgalikda to'g'ri yo'l topishdir" deya xulosa qildi, Nodirbek Sayfullayev

Kelgusida amalga oshirilishi lozim bo'lgan vazifalarga ham to'xtalib, "Ijodiy parvoz" media markazi, maxsus ovoz yozish hamda animatsion multfilmlar yaratish uchun maxsus o'quv laboratoriyasi tashkil etish, aynan san'at va madaniyat sohasi talablari asosida IT yo'nalishidagi kadrlar tayyorlash, har ikki yilda bir marotaba talabalar o'rtasida Xalqaro teatr, musiqa, raqs va folklor san'ati tanlovlarini o'tkazish, professor-o'qituvchilarning xorijda malaka oshirishlarini ta'minlash, binar, ya'ni ikkitalik himoya tizimi asosida dissertatsiya himoyalari tashkil etilishi, qabul jarayonlariga har bir yo'nalish bo'yicha komissiya raisligiga xorijdan malakali mutaxassislar jalb etilishi, Olmalik kon-metallurgiya kombinati xomiyligida diplom spektakli yaratilishi va ushbu spektakl ijodkorlarini yutimiz bo'ylab gastrol safarlarini tashkil etilishi va boshqa bir qancha rejalarni sanab o'tildi.

Shuningdek, Nodirbek Sayfullayev soha rivoji uchun har qanday taklif va fikrlarni tinglashga va ularni institut imkoniyati va vakolati doirasida amaliyotga tadbiq etishga tayyorligini bildirdi.

Institut rahbariyatidagi lavozim o'zgarishlarini ham yana bir

bor eslatib o'tar ekan, rektor barcha lavozim tayinlovlari adolatli va shaffof, hech qanday tanish-bilishchiliklarsiz va kadrlarning salohiyatidan kelib chiqib amalga oshirilganini ta'kidlab o'tdi.

Institut rektori nutqi yakunida Hazrat Navoiyning:

Naf'ing agar xalqqa beshakdurur

Bilki, bu naf' o'zunga ko'prakdurur.

misralarini iqtibos keltirib "institutimizga, sohamizga qanchalik jon kuydirsak nafi nafaqat madaniyat va san'at sohasiga, avvalo o'zimizga yetadi" deya barchani faolikka chorladi.

Shundan so'ng ushbu yig'ilish ochiq muloqot va shaffof tarzda davom etdi. O'zbekiston va Qoraqalpog'iston xalq artisti, Milliy qo'shiqchilik kafedراسi professori Xayrulla Lutfullayev, ushbu kafedra professori, O'zbekiston xalq hofizi Orolmirzo Safarov, mazkur kafedra dotsenti Xurriyat Isroilova, Cholg'u ijrochiligi kafedراسi professori O'rozali Toshmatov, Qo'g'irchoq teatri san'ati kafedراسi professori Maryam Ashurova, san'atshunoslik fanlari nomzodi Go'zal Xoliqulova, San'atshunoslik va madaniyatshunoslik kafedراسi dotsenti Ashurali Jo'rayev, ushbu kafedraning yana bir dotsenti Davlat Mullajonov, Madaniyat va san'at menejmenti kafedراسi professori Viktor Alemasov, Sahna nutqi kafedراسi dotsenti Ramz Qodirov va boshqa professor-o'qituvchilar fikr bildirar ekan, ushbu muloqotdan ko'ngli to'lgani va bu davomli bo'lishi kerakligini ta'kidlab, institutda ta'lim-tarbiya sifatini oshirish, kelgusida bugun aytilgan yuksak marralarni zabt etish, Yangi O'zbekiston san'ati va madaniyatini yanada yuksaltirish, soha yanada rivojlantirish uchun rahbariyat bilan birga xizmat qilishga tayyor ekanligini ma'lum qilib, bu boradagi fikr-mulohazalarini bayon qilishdi.

Shuningdek, professor-o'qituvchilar tomonidan ko'tarilgan savollarga institut rektori va prorektorlar tomonidan batafsil javob berildi. Ko'plab muammolarning yechimi aytildi.

Bir soʻz bilan aytganda, mazkur yigʻilishda mavjud muammolar va ularning yechimi aniq belgilab olindi. Kelgusida Davlatimiz Rahbari tomonidan bildirilayotgan ishonchga munosib boʻlish, yurtimiz sanʼatini dunyoga tanitadigan yetuk kadrlar tayyorlash, institutni yanada rivojlantirish uchun qilinadigan ishlar aniq belgilab olindi.

---

## Rasmiy munosabat

“Hurriyat gazetasining 2024-yil 18-sentabr chorshanba kuni nashrdan chiqqan 37 (1412)-sonida Madaniyatshunoslik va nomoddiy madaniy meros ilmiy tadqiqot instituti ilmiy xodimi Alisher Shukurovning «Nahotki “madaniyat”da madaniyatshunoslik oʻqitilmasa?» sarlavhali maqolasi eʼlon qilingan edi.

Maʼlumki, Oʻzbekiston davlat sanʼat va madaniyat institutida 2024-2025-oʻquv yilida Bakalavriat taʼlim yoʻnalishi va magistratura mutaxassisligi boʻyicha oʻquv rejalar hamda fan dasturlari 2024-yil 30 avgust 1-sonli institut Kengashi tomonidan tasdiqlangan. Jumladan “Madaniyatshunoslik” fani barcha 4-kurs kunduzgi taʼlim yoʻnalishlarida aks ettirilgan. bundan tashqari institutda «Sanʼatshunoslik va madaniyatshunoslik» kafedrasida faoliyat olib bormoqda.70211802-Madaniyatshunoslik boʻyicha magistratura mutaxassisligi mavjud boʻlib bakalvriat bosqichida esa 60211800-“Madaniyatshunoslik” taʼlim yoʻnalishi Institutning Nukus filialida mavjud.

---

# **Kadirov Ramz Turabovichning pedagogika fanlari bo'yicha falsafa doktori (PhD) dissertatsiya ishi himoyasi**

**“Talaba-aktyorlarda sahna nutqiga oid bilim va  
ko'nikmalarni takomillashtirish texnologiyalari”  
mavzusida**

**Kadirov Ramz Turabovichning** 13.00.02 – Ta'lim va tarbiya nazariyasi va metodikasi (san'atshunoslik fanlari) ixtisosligi bo'yicha “Talaba-aktyorlarda sahna nutqiga oid bilim va ko'nikmalarni takomillashtirish texnologiyalari” mavzusidagi pedagogika fanlari bo'yicha falsafa doktori (PhD) ilmiy darajasini olish uchun yozilgan dissertatsiya ishi himoyasi O'zbekiston davlat san'at va madaniyat instituti huzuridagi ilmiy darajalar beruvchi PhD.08/28.08.2020.San.121.01 raqamli Ilmiy kengash asosidagi bir martalik Ilmiy kengashning 2024 yil 28 sentyabr kuni soat 14:00 dagi majlisida bo'lib o'tadi.

**Manzil:** 100164, Toshkent shahri, Mirzo Ulug'bek tumani, Yalang'och dahasi, 127 “A”-uy, O'zbekiston davlat san'at va madaniyat instituti “A” binosi, 2-qavat, majlislar zali.

**Tel:** (+99871) 230-28-02;

**faks:** (+99871) 230-28-15

---

# 2025-yil uchun oliy o'quv yurtidan keyingi ta'lim institutiga tayanch doktorantura

O'zbekiston davlat san'at va madaniyat instituti 2025-yil uchun oliy o'quv yurtidan keyingi ta'lim institutiga tayanch doktorantura (PhD)ga quyidagi ixtisosliklar bo'yicha qabul e'lon qiladi:

05.01.09 – Hujjatshunoslik. Arxivshunoslik. Kutubxonashunoslik (2 o'rin)

13.00.01 – Pedagogika nazariyasi. Pedagogik ta'limotlar tarixi (2 o'rin);

13.00.02 – Ta'lim va tarbiya nazariyasi va metodikasi (2 o'rin);

17.00.01 – Teatr san'ati (3 o'rin);

17.00.03 – Kino san'ati. Televideniye (2 o'rin);

17.00.07 – Madaniyat nazariyasi va tarixi. Madaniyatshunoslik (2 o'rin).

→□Tayanch doktorantura (PhD)ga o'qishga talabgorlardan quyidagi hujjatlar qabul qilinadi:

- ariza;
- qisqacha biografik ma'lumotnoma;
- B1 darajadagi xorijiy til sertifikatini;
- mehnat daftarchasining belgilangan tartibda tasdiqlangan nusxasi (ishlayotgan talabgorlar uchun);
- oliy ta'lim muassasasi magistratura diplomi yoki oliy ma'lumot (mutaxassislik dasturlari bo'yicha) to'g'risidagi diplom nusxasi;
- nashr etilgan ilmiy ishlar ro'yxati;
- ilmiy jurnalarda chop etilgan kamida bitta maqola hamda

ikkita tezis;

O'zbekiston Respublikasi Prezidenti Davlat stipendiyasi sohiblari tegishli hujjat nusxasini taqdim etadi.

Tayanch doktoranturada o'qish uchun talabgorlar mutaxassislik fanidan kirish imtihoni topshiradi.

Hujjatlar <https://daraja.ilmiy.uz> orqali joriy yilning 15-sentabridan 15-oktabriga qadar qabul qilinadi.

Kirish imtihonlari joriy yil 1 – 25-noyabr kunlari bo'lib o'tadi.

Manzil: Toshkent shahar, Mirzo Ulug'bek tumani, Yalang'och dahasi 127- "a" uy.

Murojaat uchun telefonlar: ( 71) 230-28-03, (90) 009-22-82